

HARIAN METRO 4/12/14

SCEF tingkat kemahiran, penguasaan bahasa Inggeris

Kuala Terengganu: Menyedari kepentingan penguasaan bahasa Inggeris mendorong pelajar tahun akhir Sarjana Muda Bahasa Inggeris dan Komunikasi, Universiti Sultan Zainal Abidin (UniSZA) di sini, menganjurkan Pertandingan Lakarkan dan Pesta Bahasa Inggeris (SCEF) 2014 di Perbadanan Perpustakaan Awam Terengganu, semalam.

Timbalan Dekan Hal Ehwal Pelajar dan Alumni Fa-

kulti Bahasa Komunikasi (FBK) UniSZA Engku Suhaimi Engku Atek berkata, program itu bertujuan memberi pendedahan kepada pelajar mengenai teknik dan kaedah terbaik mengendalikan majlis dengan berjaya.

"Program SCEF ini inisiatif pelajar di institusi pengajian tinggi awam dan swasta membantu pelajar sekolah meningkatkan kemahiran bahasa Inggeris dengan cara mudah dan menghiburkan.

"UniSZA dan FBK menyokong program yang dapat meningkatkan kemahiran berbahasa Inggeris dalam kalangan pelajar selagi tidak bertentangan dengan akidah dan tatasusila," katanya ketika ditemui pada Majlis Penutup SCEF.

Menurutnya, pihaknya berharap program itu memberi keyakinan kepada pelajar untuk berdepan dengan orang ramai dan tidak mempunyai sikap malu tidak bertempat.



ANTARA persembahan teater yang dipertandingkan di SCEF 2014.